

დაბა ჩაქვი

სახელმწიფო შესყიდვის განხორციელების მიზნით, „სახელმწიფო შესყიდვების შესახებ“ საქართველოს კანონის (მუხლი 3, პუნქტი 1, „სს“ ქვეპუნქტი) და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს (მუხლი 3, პუნქტი 1, „ა“ ქვეპუნქტი და მუხლი 23, პუნქტი 3) შესაბამისად, აჭარის ავტონომიური რესპუბლიკის უმაღლესი საბჭო (შემდგომში „შემსყიდველი“), აპარატის უფროსის რამაზ ბოლქვაძის სახით ერთი მხრივ და შ.პ.ს. „იბერია ტექ ავტომოტივი“ (შემდგომში „მიმწოდებელი“), აღმასრულებელი დირექტორის ლაშა მიგინიშვილის სახით მეორე მხრივ, გამარტივებული შესყიდვის საშუალებით, ვდებთ წინამდებარე ხელშეკრულებას შემდეგზე:

### 1. ხელშეკრულების საგანი

1.1. წინამდებარე ხელშეკრულების საგანს წარმოადგენს აჭარის ავტონომიური რესპუბლიკის უმაღლესი საბჭოს ბალანსზე რიცხული „მერსედეს ბენცი“ (სახ. №SCA-507) მარკის მსუბუქი ავტომანქანისათვის საბურავების – **CPV კოდი: 34351100** შესყიდვა;

1.2. წინამდებარე ხელშეკრულების საფუძველზე, „მიმწოდებელი“ კისრულობს ვალდებულებას მიაწოდოს „შემსყიდველს“ უმაღლესი საბჭოს ბალანსზე რიცხული „მერსედეს ბენცი“ (სახ. №SCA-507) მარკის მსუბუქი ავტომანქანისათვის საბურავები (მარკა: Barum 205/65R15 94H – შემდგომში „საქონელი“) და უზრუნველყოს თანმდევი ტექნიკური მომსახურებების გაწევა (საბურავების შეცვლა, ბალანსირება, წნევის გაზომვა და ა.შ.), ხოლო „შემსყიდველი“ კისრულობს ვალდებულებას მიიღოს მოთხოვნილი „საქონელი“, ასევე თანმდევი მომსახურება და გადაიხადოს მისი ღირებულება ხელშეკრულებით გათვალისწინებული წესით.

### 2. საქონლის მიწოდების წესი, ვადები, ღირებულება და ანგარიშსწორება

2.1. შესასყიდი საქონელის მიწოდება და თანმდევი ტექნიკური მომსახურებების გაწევა მოხდება მხარეების მიერ ხელშეკრულების ხელმოწერის დღიდან არაუგვიანეს 2012 წლის 25 დეკემბრამდე, შემსყიდველის მოთხოვნის შესაბამისად, მოთხოვნიდან არაუგვიანეს ერთი დღის ვადაში.

2.2. შესასყიდი საქონელის მიწოდება და თანმდევი ტექნიკური მომსახურებების გაწევა მოხდება შემდეგ მისამართზე: ქალაქი ბათუმი, ჭავჭავაძის ქუჩა №21;

2.3. შესასყიდი საქონლის რაოდენობაა – 2 (ორი) ცალი;

2.4. შესასყიდი საქონლის ერთეულის ფასი თანმდევი მომსახურებით შეადგენს 145 (ასორმოცდახუთი) ლარს;

2.5. ხელშეკრულების ჯამური ღირებულება შეადგენს 290 (ორასოთხმოცდაათი) ლარს;

2.6. საქონელი, ასევე შესრულებული თანმდევი მომსახურება ჩაითვლება მიღებულად მიღება-ჩაბარების აქტის გაფორმების და მიმწოდებლის მიერ წარმოდგენილ სასაქონლო ზედნაღებზე ან/და საგადასახადო ანგარიშგაქვრზე შემსყიდველის კოორდინატორის ხელმოწერის (დამოწმების) შემდეგ, რის შემდეგაც არაუგვიანეს 2012 წლის 31 დეკემბრისა მოხდება ანგარიშსწორება უნაღდო ანგარიშსწორების წესით, ეროვნულ ვალუტაში – ლარში.

### 3. მხარეთა უფლება-მოვალეობანი

3.1. „მიმწოდებელი“ ვალდებულია:

ა) მიაწოდოს „შემსყიდველს“ საქონელი ამ ხელშეკრულებით დადგენილი წესით და დადგენილ ვადებში;

ბ) უზრუნველყოს „შემსყიდველისათვის“ შესასყიდი საქონლის დროულად მიწოდება, ასევე თანმდევი მომსახურების დროულად და ხარისხიანად შესრულება, დამატებითი დანახარჯის გაწევის გარეშე;

გ) შეტყობინების მიღებისთანავე უზრუნველყოს საქონლის მიღების ან/და საბოლოო შემოწმების შედეგად დაწუნებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

დ) შეტყობინების მიღებისთანავე უზრუნველყოს თანმდევი მომსახურების მიღების ან/და საბოლოო შემოწმების შედეგად გამოვლენილი ნაკლის აღმოფხვრა, წუნებული მომსახურების ხარისხიანად და დროულად შესრულება შემსყიდველის მხრიდან რაიმე დამატებითი დანახარჯის გაწევის გარეშე;

3.2. „მიმწოდებელი“ იძლევა გარანტიას მიწოდებული საქონლის, შესრულებული თანმდევი ტექნიკური მომსახურების ხარისხზე და დიაგნოსტიკის დასმაზე.

3.3. „მიმწოდებელს“ უფლება აქვს მოითხოვოს ფაქტობრივად მიწოდებული და ჩაბარებული საქონლის ღირებულების ანაზღაურება ხელშეკრულებით გათვალისწინებული წესით და დადგენილ ვადებში.



3.4. „შემსყიდველი“ ვალდებულია მიიღოს მოთხოვნილი საქონელი და გადაიხადოს მისი ღირებულება ხელშეკრულებით გათვალისწინებული წესით და დადგენილ ვადებში.

3.5. „შემსყიდველს“ უფლება აქვს:

ა) მოითხოვოს „მიმწოდებლისაგან“ საქონლის მიწოდება და თანმდევი მომსახურების გაწევა ხელშეკრულებით გათვალისწინებული წესით და დადგენილ ვადებში;

ბ) მოითხოვოს „მიმწოდებლისაგან“ საქონლის მიღების ან/და საბოლოო შემოწმების შედეგად დაწუნებული საქონლის შეცვლა, თანმდევი მომსახურების მიღების ან/და საბოლოო შემოწმების შედეგად გამოვლენილი ნაკლის აღმოფხვრა, წუნდებული მომსახურების ხარისხიანად და დროულად შესრულება, დამატებითი დანახარჯის გაწევის გარეშე.

#### 4. მხარეთა პასუხისმგებლობა

4.1. წინამდებარე ხელშეკრულებით გათვალისწინებული პირობების დარღვევის შემთხვევაში მხარეები პასუხს აგებენ ნაკისრი ვალდებულებების შეუსრულებლობისათვის ან/და მისი არაჯეროვნად შესრულებისათვის კონკრეტულ შემთხვევაში მიყენებული ზიანის ოდენობით, ურთიერთშეთანხმებით ან კანონმდებლობით დადგენილი წესის შესაბამისად;

4.2. მიმწოდებლის მიერ არასათანადო ხარისხის საქონლის მიწოდების და უხარისხო თანმდევი მომსახურების გაწევის შემთხვევაში პასუხისმგებლობა მთლიანად ეკისრება მიმწოდებელს.

#### 5. ხელშეკრულების პირობების ინსპექტირება

5.1. „შემსყიდველს“ უფლება აქვს, თავისი წარმომადგენლის (კოორდინატორის) მეშვეობით, ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი (ინსპექტირება), რაც გულისხმობს შემსყიდველის მიერ ხელშეკრულების პირობების შესრულების, ასევე შესასყიდი საქონელის და თანმდევი ტექნიკური მომსახურების ხარისხის კონტროლს;

5.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

#### 6. ხელშეკრულების ძალაში შესვლა და მოქმედების ვადები

6.1. ხელშეკრულება ძალაში შედის მხარეთა მიერ ხელშეკრულების ხელმოწერის დღიდან.

6.2. ხელშეკრულება მოქმედებს 2012 წლის 31 დეკემბრის ჩათვლით.

#### 7. ზოგადი დებულებები

7.1. ხელშეკრულების პირობებში გადახრა ან ნებისმიერი ცვლილება უნდა გაფორმდეს წერილობით, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;

7.2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;

7.3. შესასყიდი საქონლის ფასი თანმდევი მომსახურებით ფიქსირებულია წინამდებარე ხელშეკრულებით და შეიძლება შეიცვალოს მხოლოდ მხარეთა ურთიერთშეთანხმებით;

7.4. „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ, თუ:

ა) „მიმწოდებელს“ ხელშეკრულებით გათვალისწინებულ ვადებში არ შეუძლია მიაწოდოს „შემსყიდველს“ ხელშეკრულებით გათვალისწინებული საქონელი, ასევე თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება;

ბ) მიმწოდებლის გაკოტრების შემთხვევაში;

გ) „შემსყიდველი“-სათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევაში;

7.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

7.6. მხარეები თანხმდებიან, რომ ურთიერთობები, რომლებიც არ იქნა რეგლამენტირებული წინამდებარე ხელშეკრულებით, უნდა დარეგულირდეს საქართველოს კანონმდებლობით;

7.7. მხარეები თანხმდებიან, რომ არც ერთ მხარეს არა აქვს უფლება გადასცეს მესამე პირს თავისი უფლებები და



შედეგები, მეორე მხარის წერილობითი თანხმობის გარეშე;

7.8. მხარეები თანხმდებიან, რომ ხელშეკრულების ჯამური ღირებულება მოიცავს შესყიდვის ობიექტის მიწოდებასთან დაკავშირებულ ყველა თანმდევ ხარჯს, კანონმდებლობით დადგენილ ყველა გადასახადს, მოსაკრებელს, კანონმდებლობით დადგენილი გადასახადების გადახდას უზრუნველყოფს მიმწოდებელი;

7.9. ხელშეკრულება შედგენილია ქართულ ენაზე, სამ ეგზემპლარად და სამივე ეგზემპლარს აქვს თანაბარი იურიდიული ძალა, ორი ეგზემპლარი ინახება „შემსყიდველთან“, ხოლო მესამე ეგზემპლარი „მიმწოდებელთან“.

## 8. ფორს-მაჟორი

8.1. ხელშეკრულების პირობების ან რომელიმე მათგანის მოქმედების შეწყვეტა, „ფორს-მაჟორული“ გარემოებების დადგომის გამო, არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციებს;

8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი;

8.3. მხარეთა ვალდებულებები და პასუხისმგებლობა განახლდება „ფორს-მაჟორული“ გარემოებების მოქმედების დასრულებისთანავე.

## 9. დავათა განხილვის წესი

მხარეები ვალდებული არიან შეეცადონ ყოველგვარი დავა გადაჭრან ურთიერთმოლაპარაკების საფუძველზე. თუ მხარეები ვერ გადაჭრიან დავას ურთიერთშეთანხმების გზით, დავა განიხილება სასამართლოს მიერ.

## 10. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

აჭარის ავტონომიური რესპუბლიკის

შ.პ.ს. „იბერია ტექ ავტომოტივი“

უმაღლესი საბჭო

მის.: დაბა ჩაქვი, მეგენიშვილის ქუჩა №25

მის.: ქ. მცხეთა, დ. აღმაშენებლის ქუჩა

აჭარის ა.რ. ფინანსთა და ეკონომიკის

ანგარიშის № GE29BG0000000153512100

სამინისტროს სახაზინო სამსახური

საიდენტიფიკაციო კოდი: 236 093 473

სახაზინო ანგარიშის №GE78BG0000000886744500

მიმღების ბანკი: სს „საქართველოს ბანკი“

საიდენტიფიკაციო კოდი: 245 425 749

ცენტრალური ფილიალი

მიმღების ბანკი: სს „საქართველოს ბანკი“

ბანკის კოდი: BAGAGE22

ბანკის კოდი: BAGAGE22

აპარატის უფროსი

აღმასრულებელი დირექტორი



რ. ბოლქვაძე



ლ. მიგინეიშვილი